



PROJEKAT FINANSIRA  
EVROPSKA UNIJA



VLADA FEDERACIJE  
BOSNE I HERCEGOVINE



Empowered lives.  
Resilient nations.

## JAVNI POZIV

**ZA ODABIR KORISNIKA/CA POMOĆI ZA IZGRADNJU I SANACIJU STAMBENIH JEDINICA UNIŠTENIH ILI OŠTEĆENIH U POPLAVAMA 2014. GODINE NA PODRUČJU OPĆINA/GRADOVA: CAZIN, DOBOJ ISTOK, DOMALJEVAC-ŠAMAC, GORAŽDE, GRAČANICA, KAKANJ, KALESIJA, MAGLAJ, ODŽAK, ORAŠJE, SAPNA, SREBRENİK, TEŠANJ, TRAVNIK, TUZLA, VAREŠ, VOGOŠĆA, ZAVIDOVIĆI, ZENICA I ŽEPČE**

### I PREDMET JAVNOG POZIVA

Predmet javnog poziva je odabir korisnika/ca za učešće u Projektu za oporavak od poplava, koji finansira Evropska unija, a implementira Razvojni program Ujedinjenih nacija (UNDP) u Bosna i Hercegovini (BiH) u partnerstvu sa nevladinim organizacijama Arbeiter-Samariter-Bund (ASB) i Hilfswerk International Austria (HWA).

### II OPĆE INFORMACIJE

Projekat za oporavak od poplava predstavlja nastavak aktivnosti na polju sanacije šteta uzrokovanih elementarnim nepogodama koje su Bosnu i Hercegovinu pogodile 2014. godine. Projekat je usmjeren na trajno stambeno zbrinjavanje i ekonomsko osnaživanje žrtava poplava i klizišta, kroz izgradnju i sanaciju individualnih stambenih objekata, pomoć maloj poljoprivredi, te kreiranje novih radnih mjesta i samozapošljavanju, a sve u cilju pružanja pomoći socijalno ugroženim kategorijama stanovništva u poplavljenim područjima.

Projekat za oporavak od poplava, zajedno sa partnerskim jedinicama lokalne samouprave, poziva sve zainteresirane nosioce domaćinstava, koji ispunjavaju kriterije javnog poziva, da podnesu prijavu za učešće u projektu u mjestu prebivališta.

**Javni poziv je otvoren od 09.10.2017. do 09.11.2017. godine.**

### III SMJERNICE ZA PRIJAVU

Prijavu na javni poziv mogu podnijeti fizička lica, odnosno nosioci domaćinstva za porodice.

Formular za prijavu se može preuzeti na sljedećim lokacijama:

- Prostorije općine/gradske uprave;
- Prostorije Centra za socijalni rad;
- Prostorije mjesnih zajednica;
- Web stranicama općina/gradskih uprava i [www.ba.undp.org](http://www.ba.undp.org).

Tražene podatke u formularu za prijavu treba ispisati čitko štampanim slovima.

Uz formular za prijavu, podnositelj/ica prijave je dužan/na dostaviti i svu potrebnu prateću dokumentaciju kojom dokazuje svoj status, kako je navedeno u stavu VI Javnog poziva, a po osnovu koje će se vršiti bodovanje.

Prijave se predaju u prostorijama općine/gradske uprave u zatvorenoj koverti na kojoj je potrebno staviti naznaku „PRIJAVA NA JAVNI POZIV – PROJEKAT ZA OPORAVAK OD POPLAVA – NE OTVARATI“.

Podnositelj/ica prijave koji/a u predviđenom roku preda propisno zapakovanu aplikaciju, biti će izdata pisana potvrda o prijemu dokumentacije od strane općinske/gradske službe.

Dobivenu potvrdu je neophodno sačuvati kao dokaz o prijavi na Javni poziv.

Tačnost informacija navedenih u prijavi će biti detaljno provjerena u administrativnom i terenskom postupku.

Nepotpune i netačne prijave se neće uzimati u obzir.

#### **IV KRITERIJI ZA ODABIR KORISNIKA**

##### **1. OPĆI KRITERIJI**

1.1 Stambena jedinica je oštećena ili uništena usljed poplava ili klizišta 2014. godine i nije uslovna za stanovanje;

1.2 Porodica, odnosno osoba koja se prijavljuje na javni poziv je prebivala u predmetnoj stambenoj jedinici 2014. godine;

1.3 Stambena jedinica posjeduje odobrenje za građenje ili ispunjava uslove za izdavanje odobrenja za građenje (Za objekte koji ne posjeduju odobrenje za građenje, ispunjavanje uslova za izdavanje istog će tokom terenske verifikacije potvrditi općina/gradska uprava);

1.4 Porodica, odnosno osoba koja koristi stambenu jedinicu, je:

- trenutno raseljena sa prebivalištem u kolektivnom centru;
- trenutno raseljena sa prebivalištem u iznajmljenom objektu ili kod prijatelja, odnosno porodice;
- trenutno raseljena sa prebivalištem u improviziranom smještaju;
- sa prebivalištem u stambenoj jedinici koja je oštećena, ali ne zadovoljava minimalne uslove za stanovanje;

1.5 Osoba koja se prijavljuje na javni poziv, kao i članovi njegovog/njenog domaćinstva, ne posjeduju drugi stambeni objekat uslovan za stanovanje;

1.6 Oštećeni ili uništeni objekat je u vlasništvu osobe koja se prijavljuje na javni poziv ili člana njegovog/njenog domaćinstva.

1.7 Stambena jedinica nije bila predmetom sanacije kroz neki od ranijih projekata oporavka od poplava.

**Opći kriteriji su eliminatorni i obavezujući za sve potencijalne korisnike pomoći.**

## 2. DOPUNSKI KRITERIJI

2.1 Domaćinstvo je u stanju socijalne potrebe.

2.2 Domaćinstvo je u nepovoljnoj socijalnoj/ekonomskoj situaciji.

### V NAČIN BODOVANJA

KRITERIJ	BODOVANJE
Broj članova domaćinstva	1 član = 1 bod
Broj nezaposlenih članova domaćinstva	1 član = 1 bod
Broj studenata u domaćinstvu	1 član = 1 bod
Članovi domaćinstva su osobe sa invalidetom preko 80% (neratni invalidi i civilne žrtve rata, ratni vojni invalidi I i II kategorije)	1 član = 1 bod
Članovi domaćinstva su korisnici socijalne pomoći, stalne novčane pomoći ili socijalnih prihoda po osnovi socijalne zaštite, kućne njege ili pomoći iste ili slične kategorije	1
Članovi domaćinstva su samohrani roditelji, usvojitelji ili staratelji	1
Porodice poginulih boraca, nestalih osoba, logoraši	1
Porodice bez stalnih novčanih primanja (uključujući i prihode po osnovu socijalne zaštite)	1
Porodice sa djecom školskog i predškolskog uzrasta gdje su ukupna primanja domaćinstva ispod prosječne potrošnje prema zvaničnim podacima Agencije za statistiku BiH	1
Članovi domaćinstva su raseljena lica ili povratnici	1
Članovi domaćinstva su pripadnici manjinskih naroda	1
Osobe starosti preko 65 godina	1
Porodice koje stanuju u uništenom/oštećenom objektu koji ugrožava njihovu sigurnost	1

### VI POTREBNA DOKUMENTACIJA

#### 1. DOKUMENTACIJA NEOPHODNA ZA ISPUNJAVANJE ELIMINATORNIH KRITERIJA

- 1.1 Potvrda od nadležne općinske/gradske službe o šteti nastaloj na objektu tokom elementarnih nepogoda u 2014. godini;
- 1.2 Uvjerenje o kretanju za 2014. godinu izdatu od strane nadležnog organa;
- 1.3 Ovjerena izjava da osoba koja se prijavljuje na javni poziv, kao i članovi njegovog/njenog domaćinstva, ne posjeduju drugi stambeni objekat uslovan za stanovanje;

- 1.4 Dokaz o vlasništvu nad stambenom jedinicom koja je pretrpjela štetu (posjedovni list, zemljišno- knjižni izvadak, rješenje o nasljeđivanju, kupoprodajni ugovor i slično).
- 1.5 Ovjerena izjava da stambena jedinica nije bila predmetom sanacije kroz neki od ranijih projekata oporavka od poplava.

## 2. DOKUMENTACIJA NEOPHODNA ZA DOKAZIVANJE STATUSA I BODOVANJE KORISNIKA

- 2.1 CIPS prijava za svakog od članova domaćinstva, ne starija od 30 dana;
- 2.2 Potvrda o prijavi na evidenciju Službe za zapošljavanje (za svakog nezaposlenog člana domaćinstva);
- 2.3 Potvrda o studiranju izdata od strane nadležne visokoškolske institucije (ukoliko je član domaćinstva student);
- 2.4 Potvrda o invalidnosti izdata od strane nadležne zdravstvene ustanove (ukoliko je član domaćinstva osoba sa invalidetom preko 80% -neratni invalidi i civilne žrtve rata, ratni vojni invalidi I i II kategorije);
- 2.5 Potvrda o korištenju socijalne pomoći, stalne novčane pomoći ili socijalnih prihoda po osnovi socijalne zastite, kućne njege ili pomoći iste ili slične kategorije, izdata od strane nadležne institucije (ukoliko je primjenjivo);
- 2.6 Dokaz o jednoroditeljskoj poziciji, usvojenju ili starateljstvu (ukoliko je primjenjivo);
- 2.7 Potvrda o statusu porodice poginulih boraca, nestalih osoba, logoraša, izdata od strane nadležne institucije (ukoliko je primjenjivo);
- 2.8 Potvrda o statusu interno raseljenog lica ili povratnika izdata od nadležne institucije;
- 2.9 Potvrda o primanjima za zaposlene članove domaćinstva, izdata od strane poslodavca;
- 2.10 Kopija čeka o isplati penzije za posljednji mjesec;
- 2.11 Potvrda nadležne općinske službe da je objekat stavljen van korištenja iz sigurnosnih razloga (za uništene objekte).
- 2.12 Ovjerena izjava o pripadnosti manjinskom narodu;
- 2.13 Najviše 4 fotografije objekta.

## VII PROCES ODABIRA

Odabir korisnika/ca provodi Komisija za odabir, sačinjena od predstavnika/ca općine/gradske uprave, Centra za socijalni rad, UNDP-a u BiH i nevladinih organizacija ASB i HWA.

Proces odabira će se odvijati u dvije faze:

1. Pregled zaprimljenih prijava i unos podataka u bazu

Po zatvaranju javnog poziva, Komisija za odabir provjerava ispravnost zaprimljenih prijava, provodi pregled dostavljene dokumentacije i unosi podatke u sistem koji vrši automatsko bodovanje.

**Samo socijalno ugrožena domaćinstva koja ispunjavaju opće kriterije će biti predmet daljeg razmatranja.**

## 2. Terenska verifikacija

Komisija za odabir izvršit će terenski obilazak svih aplikanata koji su prošli inicijalnu provjeru i ispunili opće kriterije javnog poziva, kako bi potvrdili podudaranje informacija navedenih u aplikaciji i stvarnog stanja na terenu.

Komisija predlaže vrstu intervencije za svakog potencijalnog korisnika/cu (sanacija postojećeg ili izgradnja novog objekta), nakon izvršenog pregleda objekta.

Po završenoj terenskoj verifikaciji Komisija koriguje bodovnu listu u skladu sa podacima utvrđenim na terenu.

Ukoliko je ukupan broj potencijalnih korisnika/ca koji ispunjavaju uslove javnog poziva veći od broja korisnika/ca koji mogu biti podržani kroz projekat, prednost se daje aplikacijama ocijenjenim sa većim brojem bodova.

Preliminarna lista odabranih korisnika/ca bit će objavljena na oglasnoj ploči općine/gradske uprave, Centra za socijalni rad, mjesnih zajednica, te na web stranicama općina/gradskih uprava i [www.ba.undp.org](http://www.ba.undp.org).

Na rezultate preliminarne liste aplikanti/ce mogu uložiti prigovor, uz odgovarajući dokaz, u roku od 14 dana od dana objave preliminarne liste.

Prigovori se predaju u prostorijama općine/gradske uprave u pisanoj formi.

Za svaki zaprimljeni prigovor općinska/gradska služba je dužna izdati potvrdu o prijemu dokumenta. Dobivenu potvrdu je neophodno sačuvati kao dokaz o uloženoj žalbi.

Komisija za odabir će obavijestiti podnositelja/icu prigovora o donesenoj odluci po prigovoru pismenim putem i utvrditi konačnu rang listu odabranih korisnika/ca u roku od 7 dana po isteku žalbenog roka.

Konačna lista odabranih korisnika/ca će biti objavljena na oglasnoj ploči općine/gradske uprave, Centra za socijalni rad, mjesnih zajednica, te na web stranicama općina/gradskih uprava i [www.ba.undp.org](http://www.ba.undp.org).

Na konačnu listu odabranih korisnika neće biti moguće uložiti prigovor.

Odabrani korisnici/e će biti uključeni u izradu Procjene potreba u oblasti ekonomskog razvoja, kroz koju će, za određeni broj korisnika/ca, biti osigurana pomoć u oblasti poljoprivredne proizvodnje, zapošljavanja i samozapošljavanja.

Sve prijave će se tretirati sa strogom povjerljivošću, dok će sva dokumentacija po okončanju postupka odabira biti pohranjena i čuvana u povjerljivosti.